



Rianachd Chunnartan agus Poileasaidhean

Aithris Co-ionannachd

Tha am poileasaidh seo na phàirt den cho-chruinneachadh de phoileasaidhean aig Fèisean nan Gàidheal

An ceann-latha air an d' fhuair e aonta	04/03/2022
Adhbhar	Gus dèanamh cinnteach gun dèilig Fèisean nan Gàidheal gu cothromach ri gach neach-iarrtais, neach-obrach, neach saor-thoileach agus gach neach a ghabhas pàirt sna Fèisean, agus gum bi co-ionannachd chothroman aca.
Geàrr-iomradh	Tha Fèisean nan Gàidheal ag iarraidh gum bi co-ionannachd chothroman ann don a h-uile duine nuair a thig e gu fastadh agus gu bhith a' dol an sàs ann an cùisean, às bith an e neach-obrach, neach-iarrtais, neach saor-thoileach no neach a tha a' gabhail pàirt a th' annta.

Fèisean nan Gàidheal

Poileasaidh Cho-ionannachd Chothroman

1. A' Fastadh Luchd-Obrach, Chunnradair & Luchd-Teagaisg

Tha Fèisean nan Gàidheal a' gealltainn gun dèilig iad ri gach neach-iarrtais a chuireas a-steach airson obair gu cothromach. Tha sinn ag iarraidh dèanamh cinnteach gun tèid daoine a thaghadh air sgàth 's cho iomchaidh is cho comasach agus a tha iad.

Tha e na amas dhuinn dèiligeadh ri neach a tha, no a dh'fhaodadh a bhith, na neach-obrach, cunnradair, neach-teagaisg no neach-obrach saor-thoileach againn san aon dòigh agus cha toir aois, ciorram, gnè, suidheachadh pòsaidh, inbhe-cinneadh, dath, freumhan cinneachail no dùthchail, taobhadh feise, no creideamh buaidh sam bith air an sin.

Tha poileasaidh fastaidh againn do dhaoine a chleachd a bhith nan eucoraich, a tha ag amas air dèanamh cinnteach gun dèiligear ri gach neach-iarrtais airson obair ann an dòigh chothromach.

A thaobh 1.3, làimhsichear fiosrachadh sam bith a thèid fhoillseachadh dhuinn a rèir ar Poileasaidh Dion Dàta.

Tha e mar dhleastanas obrach do gach neach-obrach againn gun tèid siùil fhastaidh cothromach a chur an sàs, ach tha dleastanasan sònraichte aig ar Stiùiriche agus buill a' Bhùird a thaobh fastadh, agus aig luchd-obrach a tha an sàs ann an rianachd luchd-obrach.

Faodaidh neach-obrach sam bith a tha den bheachd gun deach dèiligeadh riutha ann an dòigh mhi-chothromach bruidhinn ri Stiùiriche Fèisean nan Gàidheal mun chùis, no ris a' Chathraiche ma tha an Stiùiriche an sàs sa chùis.

2. Daoine a tha a' gabhail pàirt ann an tachartasan Fèisean Nan Gàidheal is nam Fèisean

Tha sinn ag iarraidh gum bi cothroman co-ionann aig daoine a tha a' gabhail pàirt ann an tachartasan a tha gan cumail leis a' bhuidhinn, no às leth na buidhne, a dhol an sàs annta. Tha seo a' gabhail a-steach Fèisean a tha nam buill de dh'Fhèisean nan Gàidheal.

Tha sinn a' gealltainn gum faod duine sam bith a tha ag iarraidh pàirt a ghabhail ann an tachartas Fèisean nan Gàidheal – agus sna Fèisean – sin a dhèanamh agus cha toir aois, ciorram, gnè, suidheachadh pòsaidh, inbhe-cinneadh, dath, freumhan cinneachail no dùthchail, taobhadh feise, no creideamh buaidh sam bith air an sin.

Tha e mar dhleastanas air ar luchd-obrach is buill uile dèanamh cinnteach gu bheil cothrom co-ionann aig a h-uile neach dol an sàs ann an cùisean. Ge-tà, tha dleastanasan sònraichte aig buill de chomataidhean nam Fèisean, Stiùiriche Fèisean nan Gàidheal agus buill a' Bhùird a tha an sàs ann a bhith a' cur thachartasan air dòigh.

Ma tha neach sam bith a' smaoinichadh nach deach dèiligeadh riutha gu cothromach, faodaidh iad bruidhinn ri Cathraiche na Fèise, no Stiùiriche Fèisean nan Gàidheal ma bha Cathraiche na Fèise an sàs sa chùis.

Ma thathar a' smaoinichadh gun deach dèiligeadh ri neach ann an dòigh mhi-chothromach aig tachartas Fèisean nan Gàidheal, faodar a' chùis a thogail le Stiùiriche Fèisean nan Gàidheal, no an Cathraiche, ma tha an Stiùiriche an sàs sa chùis.

3. Am Poileasaidh ga chur an Gníomh

Tha e na amas dhuinn gun tèid am poileasaidh seo a chur an gnìomh le èifeachd, agus nì sinn sgrùdadh air èifeachd a' phoileasaidh gu cunbhalach tro bhith a' measadh thachartasan, a' toirt sùil às ùr air dòighean-obrach agus a thaobh fastadh is margaidheachd airson tachartasan.

Cha ghabh sinn ri leth-bhreith air luchd-obrach, luchd-iarrtais airson dreuchdan, cunnradairean, luchd-teagaisg, no daoine a tha a' gabhail pàirt sna Fèisean a thèid a dhèanamh le luchd-obrach Fèisean nan Gàidheal no nam Fèisean, no cuideigin a tha toirt seirbheis dhuinn. Nì sinn rannsachadh air cùis sam bith a thèid a thogail agus dèiligidh sinn leatha mar as iomchaidh.

Ma tha neach sam bith ag iarraidh atharraichean a mholadh airson a' phoileasaidh seo, no ma tha beachdan agaibh air mar a dh'fhaodadh e a bhith nas èifeachdaiche, sgrìobhaibh sa chiad dol-a-mach gu:

4. Luchd-obrach pàirt-ùine agus luchd-obrach ùine stèidhichte

Cha bhi sinn a' làimhseachadh luchd-obrach pàirt-ùine ann an dòigh nach eil cho fàbharach ri luchd-obrach làn-ùine, air sgàth an inbhe pàirt-ùine, mura h-eil adhbhar iomchaidh airson an eadar-dhealachadh anns an làimhseachadh. Ma tha thu airson atharrachadh iarraidh air na h-uairean obrach agad, bu chòir dhut am Poileasaidh Obrach Sùbailte againn a chleachdadh.

Cha bhith sinn a' làimhseachadh luchd-obrach air cùmhnantan seal-ùine ann an dòigh nach eil cho fàbharach ri luchd-obrach maireannach, air sgàth an inbhe seall-ùine aca, mura h-eil adhbhar iomchaidh airson an eadar-dhealachadh anns an làimhseachadh. Cuiridh sinn fios gu luchd-obrach seal-ùine mu na dreuchdan bàna a tha rim faighinn air post-d.

5. Trèanadh co-ionannachd chothroman

Bheir sinn seachad trèanadh co-ionannachd chothroman do mhanaidsearan agus neach sam bith eile a tha buailteach a bhith an sàs ann am fastadh agus dèanamh cho-dhùnidhean eile far a bheil cùisean co-ionannachd chothroman buailteach èirigh. Ma tha ceist sam bith agad mun phoileasaidh seo no mar a chuireas tu an gnìomh e, no ma tha thu a' faireachdainn gu bheil feum agad air trèanadh a bharrachd, bu chòir dhut fios a chuir chun Mhanaidsear Gnìomha.

6. Sgrùdadh co-ionannachd chothroman

Gus dèanamh cinnteach gu bheil am poileasaidh seo ag obair gu h-èifeachdach, cumaidh sinn sùil air aois, inbhe ciorraim, buidheann chinnidh, creideamh, gnè, agus taobhadh feise tagraichean obrach; an luchd-obrach a tha ann, [tagraichean airson àrdachadh; iadsan a' faighinn cothrom air cothroman trèanaidh; an fheadhainn a tha a' togail ghearanan; an fheadhainn a tha fo smachd smachdachaidh agus cur às do dhreuchd; an fheadhainn a tha a' fàgail a' ghnìomhachais]. Bidh am fiosrachadh seo air a thoirt seachad gu saor-thoileach agus cha toir e buaidh air na cothroman fastaidh aca no air co-dhùnadh sam bith eile co-cheangailte ris an obair aca. Thèid am fiosrachadh a thoirt air falbh bho thagraidhean obrach mus dèanar geàrr-liosta agus a chumail ann an cruth gun urra a-mhàin airson na h-adhbharan a tha air an aithris sa phoileasaidh seo.

Fèisean nan Gàidheal